

آبونه شرائط : هرير
 ايجون سنه لکي (۲۷۵)
 آلتی آيلی (۱۰۰) فروشدر
 نسخہ سی ۵ فروشدر ،
 سنه لکي ۵۲ نسخہ در
 اداره خانه
 آقرده حاجی بایرام
 ولی جاده سنده
 اختارات
 آبونه بدلی پشیندر
 مسلک موافق آثار مع المنویہ
 قبول اولنور . درج ایدله یں
 یازیلر اعاده اولتاز

الرشاد

۱۳۳۰

آدرس تبدیلیانده آریجه
 بش فروش کویدر لیلندر
 مکتوبلرک امضای واضح
 وادفوناقلی اولسی و آبونه
 سره نوسروسی محتوی
 بولونعی لازمدر .

مالک اجنبیه ايجون آبونه
 اولانلرک آدرس لریک فرال
 نسیزجه یازاسی رجا اولنور
 باره کوندرلدی زمان نهیه
 داتراولدی وایضا بیلدیرلسی
 رجا اولنور

(دینی ، اجتماعی ، علمی ، ادبی ، هفته لقی مجموعه اسلامیہ در)

والله یهدی من یشاء الی صراط مستقیم
 باش محرر محمد کاف
 صاحب و مدیر مشول اشرف ادیب
 آبعون اهدکم سبیل الرشاد
 عدد ۴۹۱ ۱۰ ربیع الآخر ۱۳۴۰ جمعه ایرتسی ۱۰ کانون اول ۱۳۳۷ جلد ۱۹

جامعه اسلامیہ : معناسی وحدودی

بر طاقم جماعتلرہ تقسیم ایتہ سندن البتہ خیر لیدر .
 اوت ، بو عناصر منازعات داخلہ یی بر طرف
 ایدوک اولنک برینہ سویہ مدنیہ لرینی یوکسلیتمک ،
 معارف و کالات قومیه لرینی طالع نشر و افاضہ
 ايجون ال بر لکيلہ چالشق دستورینی اقامہ
 ایتدیلرده اوسایہ ده علم ، فن ، صنعت نامنه
 قومیتلرینک ابداع ایتیش اولدینی خارقلری
 انظار طالع تشمیل ابلہ بدایع دها و کیاستلرندن
 بشریتی مستفید ایتک موفوق اولدیلر .
 بومستله حقندہ اوزون اوزادی سوز
 سویلہ می زائد کوریورز . چونکہ همان
 همان بداهت درجه سنہ وار مشدرکہ جامعہ لردن
 هر هانکی برینک ساحسی نہ درجه واسع
 اولورسہ اولسون کرک اہلی ، کرک سائرلری
 حقندہ تأمین ایدہ جکی فوائد اودرجه عام
 وشامل اولور . مکرکہ علاقہ دارلری حقوق
 غیرہ تعدی کی بر فایہ تعقیب ایتکدہ بولونمش
 اولسون . اوزمان شبہ یوقدرکہ بویلہ بر جامعہ
 محیطک کنیشلیکی نسبتیدہ خارجدہ قالاتلر

مغایرت اولسده غایہ اعتباریلہ مماثلت تامہ
 وارد . چونکہ برنجینک منشای عقبنده
 اتحاددر . عقیدہ ایسہ مختلف کتله لک بری
 برلریلہ آکلاشوب برلشمہ لری خصوصشدہ
 باشلیجه برر حامل اولان آداب و عادات ، افکار
 رتمایلات کی شیردہ وحدتی تأمین ایدر .
 دیگرلرندن برینک اسامی وطن ، دیگرلرینک
 اساسی ایسہ جنسیت اتحادیدر .
 هر حالہ بومبجشدہ جای مناقشہ اولمایان
 برحقیقت واردرکہ اودہ موضوع بحث اولان
 جامعہ لردن هر هانکی برینک تأمین ایدہ جکی
 فوائد محیطک وسعیلہ متناسب اولماسیدر .
 چونکہ بر جامعہ نک محیطندہ موجود اولان
 بر درجه وسعت طبیعیدرکہ ابنای بشرک
 یکدیگرہ تقریبہ بررتبہ حائل اولہ جق بر
 فاصلہ و مانعہ یی ازالہ ایدر . بوندن استحصال
 ایدیلن نتیجہ یی نظر آ مثلاً جرماتلق جامعہ سی
 بوقومیتی تشکیل ایدن عناصرک داغلاماسندن
 و پروسیا ، باویہرا ، ساقسونیا وسائرہ کی

جامعه اسلامیہ شرق و غرب طالعندہ
 بولونان مسلمانلر آرمہ سنده اخوت و تعاون
 اساسلرینہ مستند بر رابطہ بولونمش ، قوانین
 اسلامیہ نک تعیین ایتدیک قیود و شرائط
 دائرہ سنده بوتون مسلمانلر بر آہنک وحدت
 تأسیس ایدرک برینک دوچار اولدینی مشکلات
 ابلہ مجادلہ خصوصندہ دیگرلرینک دہ کندیہ
 ظہیر و مددکار اولسی دیمکدر .
 اسلامک وضع ایتدیک اجتماعی دستورلر
 کرک فرد ، کرک جماعت اعتباریلہ بوتون
 مسلمانلرہ ، باشقلرینک تجاوزینہ هدف
 اولہ جق هر برینہ امداد و معاونت خصوصندہ
 حقیقی رزم و غیرت کوسترمکی وظیفہ قبلمش ؛
 بونده آرمہ لرنده کی مملکت ، جنسیت فرقلرینی
 اصلا نظر اعتبارہ آلاماشدر . نیتہ کیم بر
 وطن اولادی دیگر وطنداشلرینہ قارشی
 عینی حسن و وظیفہ ایلہ مکلفدر . شوحالہ
 نظر آ جامعہ اسلامیہ ایلہ جامعہ وطنیہ و جامعہ
 جنسیہ آرمہ سنده علل و اسباب اعتباریلہ

ضررینه خدمت ایدر . وعناصر خارجیه به
اللرندن کلدیکی قدر بویله برجامعه نك تأسسی
عقیم براقه حق اسبابه توسل برحق ووظیفه
حکمنه کیر .

جامعه اسلامیه به کانهجه ؛ بونك اساس
وماهیته بر نظر تدقیق عطف ایدنلر وهله
اکلارلرکه اونك تعقیب ایتدیکی غایه عناصر
اسلامیه آره سنده عصیت ، جنسیت ، مملکت
فرقلرندن متولد حسیات متخالفه یی اورته دن
قالدیره رق عالم اسلامی بوکی اختلافاتک میراث
شأنی اولان نزاع ولاییدی فلاکتلرندن
قورتارمقدور . وتفصیلانی آاغیده کلهجکی
وجهله دائرة فوز وفلاحنه داخل اولانلری
حمایه ومدافعه دن باشقه بسله دیکی ابرامل
یوقدر . عرب قومی حوزه اسلامه داخل
اولونجهیه قدر یکدیگرینه یان باقان ، آره لرنده
مودت وصمیمت رابطه سی بولونمایان بو طاقم
قبائلدن عبارت ایدی . کون کچمزدی که بر
قبیله اک هادی بروسیله ایله دیگر برقبیله
اوزرینه آقین ایتسون . آره لرنده ظهوره
کلن بر محاربه بیللرجه سورر کیدردی .
محاربات داخلیه نك بویله بری بری ولی
ایتمه سندن ، صوکرده هر محاربه نك سنه لرجه
تمادیسندن بیزار اولان قبائل عرب سنه نك
آلتی آینی اشهر حرم عد ایتکی بر قانون ملی
اوله رق قبوله مجبور اولمشلردی . چونکه بویله
برقوة زاجره اولمادقجه قلبلری دولدوروب
طاشمش اولان عصیت حسلری حرب وضرب
تمایلاتدن فراغت ایتلرینه اصلا امکان
براقیوردی . بوکی شرائط اجتماعیه ایچریهنده
طبیعیدرکه بو قومک جاهلیت دوری عظیم بر
هرج ومرج ایچنده کچدی ، بشریت بونلرک
موجودیتلرندن هیچ برشی استفاده ایده مدی .
اسلام کانهجه ؛ بوتون انسانلر جنس ،
نوع ، مملکت فرقی کوز تمکینلرین برجامعه ایله
برلشمکه دعوت ایتدی ؛ بوادعوتک فیض
قدستی قلبلرینک تا اعراقه قدر سرایان ایتمش

اولان حرب قومنده برحال دیگر تجلی
ایدیوردی . قبائل آره سنده کی اختلاف
اخوت وصمیمته ، قلبلرده کی منافرت
انس والفته تحول ایتدی . دینک زلال فیضی
ضما ئرده کی لوث حقدوکی بیقایوب تمیزله دی .
یکدیگرینک کریبان حیاسندن ال چکمش
اولان اوجاعتلر آرتیق مفکرلره اواسکی
هالمدن بوتون بوتون باشقه ساحه لرده جولانگاه
آرامنه باشلادیلر . بوانقلاب اجتماعیک ویردیکی
نتیجه شو اولدی که عینی گیمسهر سلطنت
اسلامیه نك قواعد حشمتی ابد قرین دینه جک
بر صورتده تشید ، مدنیت جلیله اسلامیه یی
کائنه تشهیر ایتکه موفق اولدیلر . اومدنیت که
مهر اقبالی خطه عربیه آفاقندن طلوع ایدر
ایتمز بوتون عالمی نورلره بوغمش ، لمعات
قدستی عربی ، غیر عربی بوتون ابنای
بشره بر مشعل هدایت وظیفه سی کوره نمشد .
اسلامک وضع ایتدیکی قوانین اجتماعیه
یالکز حال اختلافده بولونان عرب قبائل
مایینی تألیف وموجود اولان اسباب نزاع
وخصومتی ازاله ایله اکثفا ایتمش ، بلکه
عربلرله اقوام سائر آره سنده ، حتی ایرانیلر ؛
مصریلر ، هندیلر کی داخل دائرة اسلام
اولان هر قومک کندی آره لرنده قدیمآ موجود
اولان کین وخصومتلری ده اساسندن سوکوب
آتمشد .

اگراوزمانلر وسائط تفاهم بوکون اولدینی
قدر مکمل اولسه ، برده جامعه اسلامیه
دعوت وظیفه سی درعه ده ایدنلر انظار خلقد
مسئله یی باشقه پر شکل وپیاده تجلی ایتدیره جک
درجه ده ایشی چیغرنندن جیقار مق خطاسنه
دوشمنه سه ایدی ، ماضیده اودرجه قان
دو کولز ، مناسبات بشریه بوکون نکلندن چوق
فضله صاف ونزیه بر مجری تعقیب ایدرایدی .
نه فائده که امتلرک بوکونکی وضع وشکیله
تماس واختلاط ایدنه بیلملرینک اوزمان ایچون
فوق العاده مشکل اولمش ، نشر افکار

قضیه سنک همان همان متعذر وبلکده مستحیل
بولونمشی جامعه اسلامیه به دعوت وظیفه سنک
روحی مغلق ومبهم براقش ، قوای غیله نك
ایشه ایستدیکی طرزده بر شکل وصورت
ویرمسی امکانشی حاضر لامشدر . اوت ، عالم
اسلام خارجنده بولونانلر ظن ایدیورلردی که
مسلمانلرک باشلیجه امللری ملیتلی خارجنده
کیلر زورله کندی اعتقادلری قبول
ایتدیرمک ، یکدیگریی اجتماعه دعوتدن
مقصدلری بوسایه ده تشکیل ایدم جکلری متین
واساسلی بوقوتی دینداشلرینک غیزیلره
قارشى غارتکرلکده استعمال ایتکدر .
حقیقت حالده ایسه اسلامه دعوتک هدفی
بوتون انسانلر آره سنده معتقداده اتحاد
اساسنه مستند عمومی براخوت تأسیس ایتک ،
جامعه اسلامیه به دعوتک روحی ایسه مسلمانلری
بلاد ، اجناس والوان اعتباریه آره لرنده
تخالف موجود اولسه ده تجاوزات خارجیه به
قارشى یکدیگره امداد ومعاونته مهیا برحاله
کتیرمکدن عبارتدر .

قوانین اسلامیه نك غیره تعدی یی صراحة
تحریم ایتمش اولدیفته (وقاتلوا فی سبیل الله
الذین یقاتلونکم ولا تعذبوا ...) ، « فان ایتها
فلا عدوان ... » آیت کریمه لری شاهددر .
هله « فن اعتدی علیکم .. » آیت کریمه سنک
باش طرفی اسلامده مقاتله نك یالکز مدافعه
حالنده مشروعیتی صراحة بیلدریور ،
صوکی بومقصده اختیار ایدیلرک مقاتله یی ،
وتجاوز واقعی دفع ودشمندن کله یله جک
تهلکه لری ازاله ایله استحصال امنیت غایه سنه
حصیر ایتکی توصیه ایدیور . آلت طرفنده
ازباب حرب وقتاله جناب حقک رضا
وخوشنودیسی هدف حرکات اتخاذ ایتک
وبوامنیه به مخالف حالاته جرأت خصوصنده
اوندن قورقلری لزومی اخطار ، موفقت
ورضای باری به مظهریتک بویکی وجهیه

رہایت و وابستہ اولدینی بیان ہو یورولور .
اسلام دائماً عالمہ صلح و سکونک حکمران
المسی ، بشریتک نعمت مسلماندن مستفید
اولہرق آسودہ برحیات کچیرمہ سی کی غایت
علوی برغایہ نقیب ایتکدہ در . اونک ،
ہر زمان ایچون مسلمانلرلہ ام سائرہ آرمہ سندنہ کی
مناسباتک و داد و مسالت اساسہ مستند اولمسی
هدف سیاست اتخاذ ایتدیکنی شو آیت کریمہ
یک کوزل اثبات ایدر : « لایہا کم اللہ ...
الی آخرہ . »

ایشہ قوانین اسلامیہ نک بزم تعلیم و تلقین
ایتدیکی جامعہ اسلامیہ نک ماہیتی بوندن عبارت
اولوب بوکا صرف تدافعی بر مقصدلہ توسلک
حکمت مشروعیتی دہ آنفاً ایضاح ایدیلن
اسباب اجتماعیہ دہ منہجدر . آنحق بورابطہ نک
تأیید و تقویہ سنی درجہ وجوبہ ایصال ایدہ جک
دہا بر طاقم سبیل وارکہ منشأ لرینی ام
اسلامیہ نک بوکونکی حال و موقع سیاسی لرنہ
آرامق ایجاب ایدر .

خریطہ عالمہ عمومی بر نظر عطف ایدہ جک
اولور سہق کرۂ ارضک تام و سطاندہ بحر محیط
اطلاسیدن بحر محیط ہندی بہ قدر امتداد
ابدن غایت واسع بر ساحہ کورورزکہ قسم
اعظمی مقدارلری غایت کثیف امراء الامیہ
اشغال ایتکدہ در . ثروت طبیعیہ دن درجہ
فصیل لرینی تدقیق ایدر سہک آکلارزکہ بویرلر
نفوسنک کثرتی ، معادنک مبدولیتی اعتباریلہ
حقیقۂ زنکین اولدقلری کی اقتصاد نقطہ
نظر نندنہ ہر درلو وسائل طبیعیہ ثروتی
جامعدرلرہ بونکہ برابر سکنہ سنک برچو غنک
شرائط سیاسیہ اعتباریلہ حال و موقعلری

جالب حزن و اسف اولدینی کی برچو غنک دہ
چکمکدہ اولدقلری دردو احتیاج یورکاری
بارچالاباق بر مرکز دہ دیہ .

اجنبی دولترک قبضہ حاکمیدہ بولونان
مسلمانلرک حال پریشانی کورن ، بو انصافسز
ایمپریالیستلرک عالم اسلام حقندہ نہ
شیع فکرلر بسلہ مکدہ اولدقلرینی دوشون
ہر فرد مسلمانلرک ایوم بولوندقلری تشنندن
کندیلرینی قورنارہ حق ، متحد برغایہ و مقصد
اطرافندہ طویلانیہ لرینی تأمین ایدہ جک بر
رابطہ یہ شدتہ محتاج اولدقلرینہ بداهۃ حکم
ایدر . آنحق بورابطہ نک تأمین ایدہ جکی
اتحاد سایہ سندنہ درکہ اولر ، شخصلرینی اسیر ،
جان و مال لرینی مباح عد ایتکی ناقابل انحراف
بر هدف سیاست اتخاذ ایتش اولان بو
دشمنلرلہ مجادلہ قوت و قدرتی نفس لرنہ حس
ایدہ بیلیرلر . او ظالم ایمپریالیستلر ملیونلرلہ
مسلمانلری ، مقدار لرینی ہیچ حسابہ قاتمقسزین ،
درلو درلو اشکنجہلر آلتندہ ازوب دور بیور ،
لایق کورمدکلری ذلت و حقارت قالمایور .
فقط عجبا او معظم مسلمان کتلہ لری
بو حقارت و ذلتلرہ دہانہ قدر تحمل ایدہ جکلر در ؟
پر پر باشلایان حرکتلرک اعلا کو ستر مکدہ درکہ
مسلمانلرک شہامت فطریہ لری ، حقارتلہ
صائبغہ چیقاریلان برکولہ منزلہ سنہ ایندیریلہش
اولق ذلتی ہضم ایدہ بیلیمک درجہ سندن چوق
عالیدر . ہیچ شہہ یوقدرکہ مسلمانلر سطوت
روزکارک بیلہ بالکلیہ محو و ازالہ آثارینہ
قدر تیاب اولہ مادینی قدیم بر حاست و شہامتک ،
علوی بر مجد و شرفک حقیقی وارنلریدر .
اوت ، مسلمانلرک عصر لرن بری چکمکدہ

اولدقلری قلاکتلر ، گرفتار اولدقلری سیاسی
و اقتصادی مسائللر کندیلرینہ احوال اجتماعیہ
لرینی اصلاح و تنظیم ، سائر ابتدائی بشرک
حائر اولدقلری حقوق مقدسہ دن استفادہ
ایدہ بیلیمک ایچون آرمہ لرنہ اساسی بر اتحاد
و تساند حصولہ کتیرمہ نک ضروری بر کیفیت
اولدینی فکرینی الہام ایتش ، لہ الحمد بویولہ
حرکتلر دہ باشلامشدر .

ایشہ جامعہ اسلامیہ بوندن مقصود
اولان غایہ بولنردن عبارتدر . بیانات
واقعہ دن آکلاشیلیورکہ جامعہ اسلامیہ بہ
دعوت سکۃ ارضدن بووک بر قسمی اصلا
حات طلییلہ آرمہ لرنہ بر تضامن حصولہ کتیرمک ،
نی نوعلرندن بر قسمک ترفیہ حاللری ایچون
تعاون و تناسرہ دعوتدن باشقہ برغایہ استہداف
ایتہ مکدہ در .

بویلہ صاف و علوی بر مقصدہ استناد ایدن
بر دعوتی ، انصافدن آیرلماق شرطیلہ ، بوتون
عالمک صوک درجہ حسن تلقی ایتسی ، خیرلی
نتیجہلر ویرمسنہ الدن کلدیکی قدر چالیشہرق
آلت طرفندہ بوتون بشریتک بوجریاندن
منافع عالیہ استحصال ایدہ جکنہ قانع اولمسی
ایجاب ایدر . چونکہ عالمہ بر قسم خلقک
ترقیسی دیکر لرینک دہ اوندن استفادہ لرینی
استلزام ایدر . ترقیات امدن قوشق و لایان
وارسہ خلقی اسارت سیاسیہ لری آلتندہ
طونق ، اوبیچارہ لرک کرک مملکتلرینک
محصولات طبیعیہ سندن ، کرک مساعی
صناعیہ لرندن استفادہ یی کندیلرینہ حصر
ایتک ایتہین ظالمردر .